

JOHANE III

Micne bapa moc juwec zâgene Gaio. Erao miti kiŋaŋ fisipie moneŋ mafa jare tahac ejujec. Miti kiŋaŋ ɲic ɲokac jaŋe qâpuc jaŋeraonec wiac mi rombiŋ, miti mamana jaŋe ine ehâmo-jarembiŋ. Eme Gaio eki iguc jaha buafec jaha wiac ejareme Johanezi irec biŋe manarâ bubiaŋ dâŋ qâreŋkecnewec. Eme miti kiŋaŋ ɲic moc zâgene Demetrio eki Gaiorao fisime iguc jaha ehâmocneocte Johanezi qâreŋkecnewec.

Hae ijaha ɲic moc juwec zâgene Diotrefe, eki ine miti kiŋaŋ ɲic ɲokac hone takirec-jopahuc wiac sakare-jarehuc juwec. Irece Johanezi ere mana sâqorehuc dâŋticne qâreŋkecnewec.

Mumuzâwe â bubiaŋ dâŋ

¹No ɲicraŋqazi âgo-nane Gaio gore papia zi qâreŋkekopac. No gore jâm-bomac enarekac. ²Âgo-nane, manŋe mitio sâcne foekac, iguc jaha sahaç-kopec huc zâic tâmiric sâcne juhâmocmurâ enarekac. ³Go dâŋ fâri qizecne sâcne bajuhuc reŋkeekomec, irec âgo gâcne jaŋe ware dâŋ binaŋ epie manarâ bunane boc biaŋkeekac. ⁴Naru motecfâc-nane jaŋe dâŋ fâri qizec-nere hata âteengopieŋ, dâŋ i manarâ bubiaŋ fekiecne jâmbâŋ manaekopac.

Miti kiŋaŋɲic ehâmo-jarewec

⁵Âgo-nane, go ɲic âgo ehâmo-jareekomec, erâ bembenkonec sawa mâcne, zorickonec mâmâc ejareekic, i sâcnea eekic. ⁶ɲic jaŋe zira kikefuŋte maio jaungere mu warec embiŋ. ɲic fâpie go Anutu zâŋe biŋe-ticnere erâ hone jaun ejarerâ râec-jopatec rapie biaŋkeocmu. ⁷Jaŋe zâŋe-ticnere erâ miti kiŋaŋ rahuc mâreŋ-jeŋic beherâ qâpuc jaŋeraonec moneŋ mafa mi roengopieŋte ehâmo-jarezo hâcne. ⁸ɲic igucne âgo ejarehuc bafic-jopapene dâŋ fâri qizecne haŋ baocce munârekicne hâcne.

Diotrefe e ɲic qaisoc-jopawec

⁹No kikefuŋ dâŋ wirec-jeŋic qâreŋkepo. Eme Diotrefe e micne-jeŋic juocce muekaczi dâŋnâŋec qikiŋneekac. ¹⁰Irec no fârâ juu bapa-ticnere fuŋne bataniŋkepemu. E nâŋere burec ehuc boc musâqorec-nâpoekac. Erâ i sawa mâcne, ɲic fâpie e jahac hezu hewâneŋ mi ejarehame gâcnezi eja-repie qatara-jarerâ kikefuŋ sahaçnao râec-jopaekac.

Demetrio ere manapie sâcke-fârewec

¹¹ Âgo-nane go ȋic jaŋe wiac sâqocne epie mi bâjâpec-jopazemec, wiac biagne epie ine bâjâpec-jopazemec. Moc e wiac biagne ehuc juocmu ere muzo, e Anuturaonec fuakicne. Moc e sâqocne ehuc juocmu, e Anutu mi zâŋitawec muzo. ¹² Demetrio ere fuŋne ine ȋic sasawa mutanigke-fârembiŋ. Êrâ mitio fuŋne-ticne tanigkewec wâc. Nâŋe iguc jaha dâŋticne dopecken-gopeneŋ. Êrâ dâŋ jâmbomac muengopeneŋ i manaeikic.

Mumutara dân

¹³ Dãn gâcne bocjaha fokac, erâ tinte â fedazi qârenkezo mi enarekac.
¹⁴ No gorao biac fâzore mukopac. Fâ fisipe miczi nazar gazar ezeperer.
¹⁵ Wama gorao fozejec. Âgo jâne manasu-gare-fârengopier. Go iğuc jaha
 âgofâc-nâneç zâne-jenic wosehuc manasu-jarezemec.